





NATIONAL


國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國權

萬歷四年丙子

正月庚子 上親祭太廟御文華殿講畢語張居正曰昨傅應

禎誣朕三不足欲杖之先生何不欲也對曰小臣無足論

上曰前有疏救應禎者言其母老朕按其齒錄惟父在而顧

云母不欺朕哉居正曰言官不及詳耳 上復顧呂調陽張

四維曰昨文書房以疏至閣中二先生默如也宜同心體國

毋避忌

國權



萬歷四年

一

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.




駙馬都尉許從誠乞肩輿不許

癸卯工部左侍郎何寬提督京通倉廩

總督倉場戶部左侍郎畢鏘言太倉老庫專局鑰外庫專支
放嘉靖二十三年老庫支八十八萬九千兩外餘一百十三
萬六千四百八十萬有奇歷隆慶三年財一百萬八千七百
六十九兩萬歷三年新舊合七百三萬四千二百八十七兩
有奇宜增老庫百萬封貯數歲但外止三百九十餘萬各邊
主客兵年例脩城賞賚官俸商價等俱資之須加節省 上

曰然

丁巳巡按遼東御史劉臺劾張居正擅作威福如逐大學士
高拱私成國公朱希忠王爵引用張四維張瀚不以廷推斥
遣余懋學傅應禎等凡空言路為固寵計則獻白蓮白燕為
子孫計則假京堂巡撫以為報翰林不親政事而初為章奏
考成江陵膏血已空而大啟違禁宮室 上大怒命錦衣衛
逮之臺出居正門以刑部員外郎改御史不私其德遼東捷
御史不當報臺誤報居正裁之度不得免極論居正居正自
辨曰臣之必以去為請者非得已也臣之所處危地也言者
方以為擅作威福而臣之所以代主行政者非威也則福也



自茲以往將使臣易其塗轍勉為巽順以悅下耶則無違于
負國之罪將使其故轍益急公忠以事上耶則無違于專擅
之說臣一日不去取其所行者即近似而議之則事皆可以
以為作威事、皆可以為作福事、之讒譁于耳雖聖明
不為之投杼而使臣常負疑謗不豈臣節之所宜有乎 上
慰留之臺至下鎮撫司擬廷杖遣戍時議頗勞剝居正遂陽
疏救削其籍


晉王新填薨

前南兵部尚書王學夔卒字

安福人正德甲戌進士授

刑部主事歷考功郎中以諫南巡被杖嘉靖初起家歷今官
貞亮有幹略隆慶初再存問年九十四贈太子少保予祭葬
謚莊簡

已未兵部左侍郎吳道直兼右僉都御史閱視延慶甘固武
庫主事張鳴鶴佐之刑部左侍郎王宗沐兼右僉都御史閱
視宣大山西職方主事宋伯華佐之左副都御史鄧光先閱
視薊遼保定武庫貢外郎張世烈佐之又命陝西糧儲道右
叅政張大忠河南清軍道兼兵備副使田汝穎隨吳道直山
西右政叅劉漢儒前河南兵備副使李汶隨王宗沐天津兵



備副使安嘉善并陞兵備副使游季勳隨部光先
泰寧侯陳良弼提督操江罷左府安遠侯柳震前府安鄉伯
張鉉南京前府僉事書張時春
是月階州番平

劉伯燮曰字番自為大戎尋常搖尾乞憐少卻追躡至前
其跳梁為邊患則亦有年矣非大一懲創不止豈不與虜
異哉自昔將帥奇謀止是招撫故威損而惠亦褻茲洮州
階文二事非最後一戰欲即寔其心得乎然督撫從容廟
堂之上一意信任不惑于再至之言此可為久任不數易


大吏之明驗也

庚申命司禮太監孫隆勅諭張居正慰留之
二月辛未臨淮侯李言恭武靖伯趙光遠定遠侯鄧世祿崇信
伯費甲金為中左後府僉書興安伯徐夢暘掌前府事
癸酉故南吏部尚書吳嶽謚介肅

分高肇詔廣恭將為二陳璘守高州陳典守肇慶韶州廣州
另設游擊專練兵

乙亥鑄提督會同館關防

命廣西總兵官李錫統轄全省兵務



己卯戶部尚書王國光致任南吏部尚書劉光濟改南兵部尚書

庚辰夜薊遼地震辛巳又震是月灤河錮

壬子南禮部尚書潘晟改南吏部尚書

薊遼總督楊兆報擒斬虜首速把亥抄化等部落功

甲申刑部右侍郎張翀疾去


乙酉南工部尚書翁大立改南禮部南戶部尚書殷正茂為戶部尚書

戊子總督倉場畢鏘為南戶部尚書南戶部右侍郎曹三暘為南工部尚書

己丑少詹事兼侍讀學士申時行掌詹事府事王錫爵並纂修玉牒

庚寅前戶部尚書王國光上萬歷會計錄上嘉之仍命戶部再釘造進

壬辰南大理寺卿汪宗伊為南戶部右侍郎督理糧儲工部右侍郎陶承學為刑部右侍郎大理寺卿沈應時為戶部左侍郎總督倉場



京城東河涸

癸巳京城西河亦涸

三月甲午朔廣東惠州瓊崖雷廉叅將兼管海防西路巡海叅將改陽電海防叅將

乙未太常寺卿劉一儒為大理寺卿巡撫貴州嚴清為南大理寺卿


設江西長寧縣割安遠縣馬蹄岡屬之長河巡檢司初初裁遠葉楷世居黃鄉雙橋間其地峻嶺崇岡介于贛惠汀馬盤峙數百里有田十八萬畝世專之不賦至是諸民怨楷訴安

安遠令可縣其地從之楷欲叛不克死

丙申役山西民兵赴偏老備邊

丁酉上御文華殿初上習書以大寶箴為影格張居正進注解一卷至是上覆誦不失一字且解其義至是周文小心曰即兢業之意至縱心于湛然之域曰此不過言人當虚心處事耳

山東巡按李世達高為正請詔沿海貧軍年久班價從之上又曰撫按官宜選任廉能鉅豪安善毋虛惠好完以後不為例



戊戌 上御文華殿論帝鑑圖說唐玄宗于勤政樓宴寵安
祿山事 上曰樓名甚佳而佚樂何也張四維曰玄宗開元
之治有三代風至天寶荒佚致播遷之禍初張九齡知安樂
祿山有反相欲因事誅之玄宗不聽後幸蜀思九齡先見遣
人至嶺南祭之 上曰即如此悔無及矣張居正曰無論往
代我 世宗皇帝初年西苑建無逸殿省耕勸農末年崇尚
焚修不復臨幸治平之業亦寢不如初時講大寶箴云民懷
其始未保其終亦是此義 上嘉納之
順天府尹曹同亨為右副都御史巡撫貴州兼督湖北川東

軍務

辛丑 撫督河道潘季馴改巡撫江西太僕寺卿王之垣為順
天府 丑右副都御史楊茂為工部右侍郎


南內官監奉御靳成盜帑千餘金謫戍

劇盜楊鳳鸞等伏誅鳳鸞 瀏陽人匿江西寧州廬源峒

中流劫

巳亥 光祿寺卿胡執禮為太常寺卿

命各巡撫年終巡按還朝報王府官賢否如有司例按其年
勞進陞



庚子許雲南開局鑄錢巡按御史郭庭梧言滇中產銅不行
鼓鑄反重價購海肥非利也下戶部從之
移定遼右衛于寬奠堡又開永奠堡互市
癸卯巡按直隸御史舒鰲言淮安東陬山人彭湖等于正月
十日見海濱男子二十二人服貌俱異問之不答捧夾板不
公文上書行濟州進貢等項語不能辨能惟書吏風水等字
謹遣赴京以聞乃朝鮮貢也
兵部以東虜土蠻伯言不速把亥等攻開原搃兵李成梁令
入衛李惟一援之戚繼光移兵灤東

四月甲子朔上親享太廟

丙寅除安徽泗州草料減馬價十之六

丁卯定供用庫香品歲二萬斤為率


戊辰吏部尚書張瀚條外官考滿事宜

己巳釋輕囚

禮部右侍郎署祭酒孫應鰲請禁社生黜生及民間庸子弟
入監從之

土魯番入貢


庚午平涼人賀祿下法司以冒韓王宗室乘傳至鄖陽巡撫



王世貞執以聞

勘議新河召兵部尚書劉應節侍郎徐棻還罷其役先是工部尚書郭朝賓等言劉應節議新河通海今按姚家庄三十里孫家口以南至高崖玉皇廟百十八里又高崖至旋河嘴七十六里係海水所由宜濬其閘引水河百四十六里宜罷徐棻親見海不可通故議引泉假舍泉就海萬一無成棻得自諉必同應節酌其行止上從之刑科給事中王道成言引海難為力引泉則易盈易涸開勞濬徒上命仍前議始劉應節以開膠河必通潮通潮必舍故河而尋便道膠州城

南自淮子口出海自州治而西抵世家庄北折自臺頭河至張奴河十一里地窪黑間有泉可導自張奴河至亭臺口閘三十里又窪黑水深數尺可濬自亭臺口閘歷陶家匯陳家口孫鎮口至玉皇廟六十里河淺而廣宜穿舊河之旁另為渠玉皇廟至楊家圈二十餘里水漸深可量濬楊家圈以北自通潮無煩役矣而巡按山東御史商為正言臣奉命趨膠州于分水嶺役千一百人方廣十餘丈後數尺則石又數尺則砂水隨坎隨波汲愈深愈難今踰旬止深丈二尺費五百餘金若通海行舟須深丈二尺殆三百萬金未竟也且麻灣



海倉淖沙數十里雖另鑿一渠數月後潮至沙壅則河必不可成宜停工部覆從之

設遷曰王元美首輔傳云膠州一大僚謂有膠河故道自海入青穿而出可以避之其意欲通故河以利其鄉邑謂劉應節也應節濰縣人非膠州人其議格于直指聞當時諸大臣祭海不及俟直指故中沮大役難于慮始壞于築舍求任事者誰哉王元美又云大僚之鄉人未見利不勝調發相與逐而噪之乃中寢噫任事于鄉吾未見其濟也辛未虜酋黑石炭大委正等自大青山分犯河東窺錦義摠

兵李成梁潛師行二百里薄其營次日火器擊之虜駭亂自相蹂踐斬六十一級


江西浮梁縣因逸知縣李際春鑄三級下典史鄭思明于理刑科都給事中嚴用和請申飭強盜轉詳後決不待時例免疎虞從之

命蘇常松江白糧官解

壬申刑撫浙江謝鵬舉為戶部右侍郎

定錢法各省如一仍嚴私鑄

方山王府罪宗新垣兗淫不悛錮于鳳陽



癸酉吏部主事徐一楨引疾不許

甲戌巡撫貴州曾同亨被劾調用

予南戶部尚書

祭葬吏科言其屢經彈射奪之

乙亥廣西府江積寇平復設昭平縣

瞿九思曰昭平故古龍平地也聞故縣印尚封府庫今幸縣其地此非陛下所變化能至是乎然而大將軍餘規石畫亦不可不謂至壯兩崖三峒皆改復土司漢兵七千人戍守之皆令其受法漢吏志念蓋深矣哉曩從府江至梧州五百里今冠蓋相望于道惟恐輶車之行遲也

故總督

兵部右侍郎兼右副都御史曾銑孫孫三者補

廢入監

免西粵土民遠戍祇編各衛所充伍

丙子沂州大風雨雹積尺餘

已卯上視朝廷臣不至者二百七人各奪俸二月

工部言制錢擇精銅凡萬錢用銀十四兩八錢九分侍郎何

寬董之員外郎沈文主事韓濟分理上令再議于是銅價


各減十之一

辛巳天方國貢千里馬戶科左給事中李邦佐等言聖主不

國權

萬歷四年

十一



貴異物此開端一開將珍異紛々雜至乞卻回仍行邊臣除
貢外悉令阻止從之

癸未太原大雨雹傷稼

四川兵備副使林應節以貪殘巡按御史郭莊劾之下于理
乙酉南光祿寺卿馬起鳴為右僉都御史巡撫貴州

丙戌 上視朝以浙江按察副使華汝礪不面見下法司追
贖還調雲南

南鴻臚寺卿張佳胤為南光祿寺卿

戊子封璟灃保德王朗鎮寧遠王晉鄰會寧王葉璿通城王

載璿建德王

尚寶司卿王樵為南鴻臚寺卿

庚寅 上御文華殿適操江右副都御史王篆家獲盜奏至

語閣臣曰疏稱去冬十二月盜劫淮府建昌王奪其印而守


臣不以聞何也遂奪撫按楊成張簡歲俸降兵備副使黃可

大知府陳吾德叅議王乾章知縣鄭時章鑄秩又巡按張簡

論劾所以降秩之故 上復怒道府過不以聞長吏何罪其

還楊明善官兵備以下皆禘之

總督兩廣凌雲翼征羅旁賊條上賞格兵部覆從之



壬辰前提督河道潘季馴巡撫江西

予故刑部左侍郎樊深祭墓

博興縣大雨雹如拳如卵明日亦如之擊死男婦百五十餘人牛馬無美禾麥毀盡

五月乙未設 養利州儒學凡改土為流者俱如之

四川靜州長官司招岐山溝口生番等難公寨木部女寨生番願充編氓巡撫羅瑤言威茂古維州也在宋元西羗據之我朝置化外今羗夷向風命撫恤之給賞示勸

丙申前兵部尚書劉體乾卒福建惠安人嘉靖甲辰進士擢

授行人擢兵科清勁有執君諫垣不詭隨不矯異司國計樽

節惇大晚起本兵引疾拂衣進禮退義有古大臣風贈太子

少保謚 予祭墓

辛丑勅太監馮保同法司錄囚釋輕罪

壬寅河南撫按議立各王府宗學設先師殿祖訓堂從之

乙巳 定襄縣大雨雹亘二十五里積三尺餘傷田稼人

畜亡筭


工部右侍郎兼右僉都御史徐斌為兵部右侍郎提督軍務

巡撫浙江

國權

萬曆四年

十三



丙午直隸蠡縣獲鹿大雨雹傷人畜

丁未直隸祁州地震

庚戌 上始束髮

壬子右江諸賊平

丙辰直隸阜平南宮各冰雹傷人稼

戊午 上出成祖四駿圖示閣臣題咏

辛酉 上視朝張居正等請省覽章奏時閱 聖祖所手批

疏稿為法 上曰然因檢閣藏 聖祖手諭六十三道御製

四十四道聖旨并票帖共七十道上之

六月壬戌朔內織造局太監張誠等請遣官浙直織幣工都科

給事中劉鉉等山西道御史賈如武等交言其不可有旨各

項俱減三之一仍遣內官

乙丑 上御文華殿賜諸臣新刊洪武正韻

罷新河戶部尚書劉應節費且三萬三千二百二十餘金請

下所司


丁卯鑄南戶部監督銀庫闕防

戊辰戶部上各鎮歲報錢糧數目

誅湖廣咸寧縣妖人李一貞等

國權 萬歷四年

十四



己巳南大理寺卿嚴清改北

庚午山東魚臺人屈琛奏鄉人山西按察僉事隨府不法屈即隨府師也 上怒其悖欲逮之張居正曰如此恐開告訐之端宜下臺訊從之隨府為張四維門生屈琛亦縣丞

辛未命順天府尹禱雨

癸酉錦衣衛正千戶王學禮嗣靖遠伯以兄學詩亡子也

方澤壇成脩諸王館

玉牒告成

中軍都督府署都督僉事佟登疏稱祖爵 上曰武臣非世

勲不稱爵其改正且問五府官與勲臣同班立是否禮部言都督立班匹錦衣衛後稍上之匹六部後與南北司無職事者班同而上之命著為令

乙亥貴州天界賊平

丙子撫治鄖陽王世貞為南大理寺卿

丁丑承運庫太監崔敏等請採買金珠寶石以備大婚戶科都給事中光懋奏止之不聽


復置榆林衛所營管屯官命延綏鎮各兵備兼屯田

庚辰命司禮太監孫隆往蘇杭織造

國權

萬歷四年

十五



壬午張居正等請重脩大明會典從之詔曰 孝宗皇帝所
纂大明會典洵足垂憲我 世宗皇帝命儒臣重加較輯
未及頒行似于聖心猶未有當且自嘉靖己酉以來四十餘
載事體繁多法令數易今特重校審訂折衷以成畫一
刑部右侍郎陶承學為左侍郎署通政司事工部右侍郎王
好問改為刑部湖廣左布政使徐學謨為右副都御史撫治
鄖陽

鑄工部甲盈厥節慎庫驗試廳各關防
薊鎮屬夷炒蠻挾賞不遂潛犯古北口叅將施宗儒及前總
兵湯克寬等中軍傅楫千總高大朝蘇學追至十八盤山死
之兵科都給事中裴應章摘及戚繼光練南兵無效 上不
問奪繼光及巡撫王一鶚俸
巡按山西御史孫代以樂昌王長子廷壻私娶王氏生齡兒
不報宜如宗藩條例編入下戶為氓 上曰雖濫妾而改姓
易籍殊非情理會典此例宜改正
癸未張居正呂調陽張四維總裁會典
慶都縣雨雹

乙酉禮部尚書兼學士馬自強禮部左右侍郎兼侍讀學士

國權

萬歷四年

去



汪鏜林士章少詹事申時行王錫爵充副總裁左右中允兼
編脩陳經邦何洛文右贊善兼檢討許國陳思育脩撰趙志
臯田一雋徐顯卿張位韓世能于慎行朱賡李長春孫繼皋
編脩沈淵習孔教范謙黃鳳翔劉斌盛訥劉虞夔劉元震公
家臣史鈞余孟麟王應選檢討劉克正劉楚先王祖嫡趙用
賢充會典纂脩官

丙戌右通政倪光薦為通政使


建州貢夷留住等以道乏館穀又駟宰答之驅車輾死人命
撫按宣諭其廩給車馬如故

己丑司業戴治改左春坊左中允兼編脩纂修會典
辛卯編脩沈淵為司業

改貴州孫平等二十四寨隸貴陽府先是隸臥龍長官司為
丹行司因羅繼祖爭殺故改屬府治以大龍司土舍龍見圖
領之

命太常寺分遣道士二十三人祭先聖及歷代帝王陵寢
七月癸巳禮部上幸學儀注

甲午進玉牒賜輔臣及纂脩官金幣有差
乙未魯府東甌王府儀賓童輝冒婚削籍




丙申左中允兼編脩戴洵右贊善兼檢討陳思育主試應天
酉丁封琉球國世子尚永為中山王遣戶科左給事主中蕭
崇業行人謝杰

張居正言致治之道莫要于安民欲安民必加意于牧民之
官今守令削下奉上以希聲譽奔走趨承以求其薦舉徵發
期會以完簿書苟且草率以逭罪責其寔心愛民者寔不多
見明春當夏官考察之期舉錯乃向背所繫惟以安靜宜民
為最虛文矯飾雖浮譽素隆當列下考隆慶六年詔書內自
嘉靖四十四年三月至隆慶元年錢糧除金花銀外悉從蠲

免其前年各免十分之三至萬歷二年戶部議于逋欠七分
之中每年帶徵二分而民猶以為苦何也有司不能約已省
事徵收無補也賴 皇上節用京通倉米足支七八年太倉
銀庫所積尚少宜將萬歷五年漕糧量折十分之三足國裕
民一舉兼得從之諭戶工二部行焉

直隸安州雨雹尋大雨水害稼

戊戌命靖江王任昌歲祿千石本折中半兼支初王以永樂
間俱本色禮部言弘治十五年以前誠即王奏明年即折俸
郡王祿米鈔中半兼支嘉靖四十四年定宗藩條例郡王祿



本色三分抄鈔七分但靖江當本四折六 上竟如弘治後
例行之

分遣刑部司官錄囚畿省 戶部上開納事例濟邊從之
壬寅許山東左叅政馮敏功疾去

設邊曰時京通二倉足支六七年帑有餘積何急 馬以
開納濟之也戶部無深識欲速其功江陵亦徇之耶蓋治

尚操切慕富國之虛文名于大體有所不顧矣惜哉

巡撫應天宋儀望設濬江南吳淞江澱山三泖以設接察水
利道僉事駐蘇松帶銜浙江議上部覆僉事不設仍遣御史

董之

癸卯設葦華城守備


甲辰脩泗州祖陵

丙午故襄垣王府輔國中尉充煌請宗祿禮部覆上已許之

而襄垣王已草爵充煌攝府事不得復稱嫡曾長孫遂奪祿
半年禮部俱引咎不問

翊奎嗣嘉定王

周府荆山王朝璧謚安肅長陽王致楹謚悼莊
辛亥草灣河成祠河海淮之神賜額顯應



乙卯荆王常浩薨謚曰莊無子弟安成王常盜攝府事

禮部右侍郎孫應鰲劾國子學正周道直見侮道直新任謁

應鰲時署祭酒屈膝私宅見呵及演禮突出責祭酒屢反顧私語

為不敬寔妄也 上惡其狂悖下獄杖之削籍慰留應鰲

丙辰頒賜萬厯制錢

義寧王慎鑠薨

戊午以河南撫按報州縣積穀少奪各官俸仍命積賑專責

有司衛所官勿預焉

己未寧州山賊流劫

庚申閱視薊遼保定左副都御史部光先上各邊形勝圖

八月壬戌幸太學行釋奠禮御藝倫堂雨甚免進進講鴻臚寺

官傳制宣諭諸生

改廢故大學士翟鑾孫思梁

乙丑提督陝西石茂華巡撫董世彥奏報撫洮州境外生熟

番夷共七十一族古陸阿不角答畏罪遠遁獻罪首四級

上宥之


丙寅右春坊右中允兼編脩何洛文右贊善兼檢討許國主

試順天

國權

萬厯四年

二十



丁卯刑科事給中王道成請詔天下訪賢良方正孝廉明經之士以聞

戊辰 上祭太社太稷初擬遣祭 上以大典躬往是日值孝康敬皇后忌辰禮部請御淺色衣百官俱素角從事至夜分上下俱祭服

己巳賜閣臣金幣以壽節近也

辛戶戶科都給事中光懋上八事酌行蠲免量行改折及時追徵免攤逃糧 明示條例招撫流移甄別有司

上從之

壬申以秋防免巡撫順天王一鶚赴京議事

丁丑萬壽節御皇極殿受賀

戊辰應州渾源各地震

壬午署太醫院右通政徐偉加太僕寺卿

前南太僕寺卿田濡卒山東聊城人嘉靖己丑進士


癸未甘肅行太僕少卿兼按察僉事李克敬引疾致仕以託疾避察罷之

裁 永從縣儒學

建州左右二衛昂巴阿呂襲都督僉事字羅襲都指揮僉事

國權 萬曆四年

五



甲申兵科左給事中林景恂上八事覈勾補覈比試覈操練
覈武舉覈薦劾覈警報覈功罪覈邊功覈月糧覈邊儲兵部
覆從之

丁亥吳國乾嗣清平伯家彥之子

己丑勅褒朝鮮國王李昭以歸難民一百九十四人也

是月渾源州雨雪殺禾

九月壬辰脩顯陵

甲午撫治鄖陽右副都御史王世貞以薦舉涉濫吏科糾之
奪俸

癸丑錄囚

蠲折山西朔州馬邑田租


甲寅賜故總督宣大右副都御史張松祭墓

丙辰安邑夏縣地震

十月壬戌穆廟安妃楊氏薨

癸亥靖江王府奉國中尉約鳴有罪廢為庶人又罪宗邦莽
賜死

甲子總督薊遼保定兵部右侍郎兼右僉都御史楊兆為都
察院右都御史



丙寅賜閣臣各鑪瓦磁器

戊辰論囚六十九人

己巳鑄管理淮安鳳陽水利墾田僉事閔防

庚午 上御文華殿示閣臣以永樂騶虞圖

乙亥少保大學士呂調陽考滿晉太子太傅兼太子太保廕
子中書舍人

賑豐沛徐睢寧蠲金鄉魚臺單曹水災田租

丙子少師大學士張居正九年考滿進左柱國太傅仍加伯
爵廕子為尚寶司丞居正再辭許辭太傅伯爵賜金幣明日


賜勅曰先生親受 先帝顧命輔朕冲年今四海昇平外夷
賓服寔賴先生匡弼之功精忠大勲朕言不能述官不能酬
惟我 祖宗列聖陰祐先生之子孫世世與國咸休也加賜
三百金坐蟒衣一襲益歲祿百戶又賜獎勅居正固辭許辭
太傅伯爵

丙寅進福建總兵胡守仁都督僉事以航海勦廣寇也

遷江南宿遷縣治儒學時黃水啗其地

戊辰罷福廵撫劉堯誨南大理卿王世貞以刑科都給事

中楊節論堯誨貪甚世貞大節已虧也




庚午 上諭閣臣曰京省試錄或稱臣且刊文槿頭多舛何也張居正曰故事惟兩京試錄稱臣以考官欽命也各省考官皆按臣聘至文即貢士所作量刪為式其槿頭之誤似各官忽略乞下禮部申明體格從之應天主考戴洵程嗣功等各奪俸二月

辛未前總督江南江北屯益龐尚鵬改巡撫福建其應天巡撫宋儀望為南大理寺卿

兵部尚書譚綸言指揮同知下逮卒伍陣亡者皆以世官得襲在副總兵總兵以流官得破格優襲獨指揮使應龍都指揮者拘于流官不世豈其官階之崇顧不足惜與今後凡指揮使戰沒除本襲外仍應其次子冠帶總旗其生前有功者世廕試百戶如之次子即取次孫從之

癸酉 上御文華殿先是山東撫按劾昌邑知縣孫鳴鳳貪狀上怒甚欲遣逮以示閣臣張居正曰固當盡法但往例俱下部覆請臺訊至日講訖 上言鳴鳳之婪乃出進士乎居正曰惟特進士故恣若科貢有所畏忌今後用人視但功能不必問資格 上深然之

甲戌太常寺卿胡執禮為右副都御史巡撫應天



丙子南祭酒余有丁予告

光祿寺卿王友賢為太常寺卿

戊寅禮部右侍郎署祭酒孫應鰲疾去

右通政孫寵為光祿寺卿

脩裕陵

予南兵部右侍郎姜廷願祭墓

十一月己卯朔先是各邊拒降人不納雲州衛人滕良自胡中歸其從子友學懼而沮之良越牆歸被詰訐御史沈涵以聞兵部云漢人歸正胡可拒也拒則為虜所毆耳命從之

庚辰吏部郎中胡嘉謨為右通政

癸未慶世子倪熿嗣慶王


甲申真定等邊墻成

丙戌起姚大謨祭酒南禮部尚書殷邁署南祭酒

丁亥賑山東曹單災民

己丑諭都察院曰勸官有遺潛營者令五城御史緝治之京官務止宴會勤脩職業

辛卯北虜土蠻連把亥部落犯威遠堡副總兵曹蓋禦卻之加總督方逢時太子少保巡撫吳允兵部右侍郎鄭洛右副



都御史以叙貢市功

改折大同屯糧

甲午夜山東費縣隕星四天鼓鳴質明有紅點墜城西北色

如硃砂長二里衡一二尺

丙申虜土蠻速把亥部落犯沙河辰甲犯東關

廣西官兵討羅旁猛賊

癸卯寧州盜平

時准黃交溢工部議准安天妃閣以北屬傳希執浚淤南屬

吳桂芳增隄從之

復夷婦嬖只及炒蠻之賞前以不能削所部至犯

甲辰

鴉鷲菴至是縛獻十七人正法

丁未脩山西徐溝嵐祁三縣磚城

十二月乙未朔命禮部禱雪

庚申上御文華殿舉袍示輔臣曰此條何色張居正曰青

上曰紫也久而色渝居正曰紫而渝願少製皇祖不尚袷

服第服其色久者袍服甚始易享國長久未必不由此先


帝則不然服一御輒易矣願以皇祖為法節一衣則民間

有數十人受其衣者輕一衣民間有數十人受其寒者不可

國權


萬曆四年

二十六



不審也時左右亦言民窮至鬻妻子應以上供 上深然之
壬戌陝西總督石茂華等以莊浪土達殆二萬僅協守其魯
東統之非便議增防守土官于紅城子古城野狐城各土人
屬之西大通堡增防守土官以連城五旂屬之聽莊浪叅將
節制仍立鄉約建社學報可
太僕寺請明年徵馬匹如萬歷三年例兵部覆從之凡本色
改折色者徵三十金原折色者徵二十四金
己巳南光祿寺卿張佳胤為右副都御史巡撫保定兼提督
紫荆等關

封周府嘉興王厚熿岷府建德王定烱周府博平王睦柯鄢
陵王睦枸奉新王勸城儀封王在鑾代府棗陽王充燿晉府
義陽王慎鑠榮府畚城王厚熈趙府平鄉王厚熿
壬申太常少卿屠羲英為南光祿寺卿
前太子太保文淵閣大學士趙貞吉卒字 四川內江人
嘉靖乙未進士授編脩進右中允署司業庚戌虜變言事擢
左諭德兼御史檇軍還謫荔浦典史久之轉徽州推官進南
吏部主事署郎中歷光祿少卿右通政光祿寺卿戶部右侍
郎俱南京調北被論去隆慶初起吏部侍郎尋直日講推長



南禮部未行改協理詹事府至尚書尋直文淵閣大學士加
太子太保忤首輔去後歎虜與議廢中書舍人生平自負持
操不襲人後身任天下百折不回其學多本王守仁而雜以
二氏亦好高之過也予祭墓贈少保謚文忠
乙亥叙日講之勞進申時行詹事仍兼侍讀學士陳經邦何
洛文左右諭德兼侍讀許國洗馬兼脩撰張位侍讀于慎行
侍講賜閣臣金幣

蠲京師都稅宣課二司羊酒雞鵝雜貨等稅
丙子蠲直隸文安縣水災稅糧


辛巳廣東潮州囚逸下知府邱霽雲臺訊

壬午播州宣慰使楊應龍貢馬

癸未先是打喇明安所部屬銀定台吉嘗盜邊絕其貢俺荅
聞之從夷法罰羊牛馬二百駝三詔宥之已服罪馬駝等不
必進

丙戌巡按浙江御史鮑希賢請繕海鹽縣捍海塘從之
是月臨漳見有星長尺許白晝北飛

馮保侄都督僉事邦寧使酒凌市人適張居正班役姚廣勸
之邦寧手披姚廣，即拉邦寧同赴居正所居正東保宜戒



飭保杖邦寧四十奏錫秩待罪一年

國權

萬歷五年丁丑

正月己丑朔 上御殿受朝賀

甲午 上享太廟

乙未禮部請耕籍俟七年春行之

已亥部院大計黜布政使周光祚等八十三人吏部請上


御門面獎賢能 上令紀錄其貪者臺訊

庚子 兩宮諭選婚

國權 萬歷四年

鹽官設邊孺木著

國家圖書館, NATIONAL CENTRAL LIBRARY, TAIWAN, R.O.C.



上諭文華殿張君正言殿之東堂祀伏羲氏以下數聖君
皇上所當法也法古聖惟在省覽章奏日閱一二講明閣事
即他年躬攬萬幾無難矣 上嘉納之
辛丑山西按察使孫應元為右僉都御史巡撫山西提督鴈
門等關

癸卯福建按察使徐中行為江西右布政使

甲辰吏部拾遺

已酉巡按直隸御史邵展言鳳陽淮安土廣人稀加以水災
半民逃亡道里皆成灌莽當急為勞來安定之計 上善之

辛亥觀官入謝上蔡知縣莊鵬舉以大班糾劾不免官下獄


壬子 上諭文華殿諭曰昨朝諸臣不候命先上御道又承
旨紛錯于是御史王民順帥祥序班羅應升等各奪俸三月
諭法司曰近各處歲報重囚全省或千餘人臨決僅三四人
餘仍淹斃巡按違旨沿習其恭摘以聞于是刑部尚書王崇
古奏各御史如劉光國原因九人四人決四十九人陸萬鍾
原因四十九人決四十三人命光國萬鍾紀錄餘奪俸
癸丑免文安縣馬匹站銀一年

乙卯兵部議免真定等府站銀一年有旨朕念民困因清查

國權

萬歷四年

二



駙遞仍撫按狗私間朝觀官擅乘傳何也其嚴禁之餘如議
丁巳 仁聖皇太后壽節宴百官于午門朝觀官方面官與
其列焉

戊午江西定南縣地震如雷

二月辛酉巡撫保定孫丕揚引疾去時叙邊牆功進秩右副都
御史

癸亥慶成王府鎮國中尉新容廢為庶人

乙丑大學士張四維少詹事申時行主禮閣得馮夢禎等三
百人張居正之子嗣脩與焉

賑廣西饑


予右贊善沈鯉父杜祭墓鯉直日講三年如先賡道南例
前兵部右侍郎梁夢龍為左侍郎

河東益運使李廷觀虧課二十四萬停俸

戊辰 上祭太社太稷

庚午巡撫河南益重改右副都御史巡撫保定兼提督紫荆
等關

三月戊子朔徵太倉光祿寺各十萬金戶科都給事中光懋爭
之不聽兩淮滯引已通戶部奏仍開中報可



己丑予故南吏部右侍郎李棠祭墓

庚寅南京廣洋衛經歷汪柱犯宴會除名

襄府輔國中尉融燿有罪廢為庶人

甲午復江西龍虎山提點張國祥真人印號先隆慶中革去

至是國祥請復禮部言不可 上以真人係正一品載官制

從其請

乙未潞王翊鏐冠明日出見群臣于文華殿東廡

丁酉張居正品呂調陽以子嗣脩興周廷試各避讀卷不允

戊戌寧夏總兵官劉濬劾免

己亥肅王緡熿父鎮國將軍弼柿追封肅王

免山東沂費鄆城等州縣站銀四萬一千餘金

庚子澂江臨安等府地震

壬寅策貢士三百一人于奉天殿賜沈懋學張嗣脩曾朝


等進士出身有差

前少保禮部尚書吳山卒字 高安人嘉靖乙未進士授

編脩歷禮部左右侍郎進尚書加太子太保後因奏日食忤

旨閑住隆慶初奉詔致仕明年起南禮部尚書不拜又明年

復起仍辭許致仕剛果醇篤年七十有八贈太保謚文端予



祭塋

薊鎮副總兵張臣為征西將軍總兵官鎮守寧夏

夜月食既

癸卯直隸巡按御史郭思極言三吳水利曰復丹陽練湖水
資蓄洩通蓋瀆河便舟楫從之


甲戌俺荅欲赴西寧青海寺會番僧齋醮問市茶馬又求都
督印金巡按御史邢玠言茶市不可開金印不可與兵部言
前歲俺荅丙鬼乞立寺西海朝廷助之蓋借以化之耳今出
塞設醮原無他意所須食物宜給至各酋並無印可理論也

上從之

丁未甘肅總兵官李震劾免

提督兩廣軍務兵部尚書凌雲翼討平羅彥搖賊徵師十五
萬分八道克木夷山破岩洞五百六十四斬一萬六千一百
四級俘二萬三千餘人降六千四百餘人返掠萬餘人

黃翼登曰搖撞蠢爾負固窮菁絕谷不可以衣裳法度理
凌公大征分其種落錯壤以居自為婚娶受我戎索乃令
搖人伐山之枝以竹木射獵為生撞人食土之毛以耕種
菽麻為業其愚易欺其悍易動其目不識丁屬以山主復



撫以招馬圍之視瘠牧羊之鞭後則存乎其人耳二三豪
民衛役間緣難刀構却四十八年招主不良几興大訟累
年今春召其長八人諭以威德懽然解散外威利用嚴內
順利用寬倘稍征開調之名則外不足責而居無以守必
有窺左足而動者未敢以深言矣

瞿九思曰臣觀故志自鄧國公破殺之後歷景泰天順成
化嘉靖皆未稱捷豈不誠慄悍哉凌司兵提兵二十萬始
蕩其巢穴而郡縣之此皆漢南無王庭何異詩不云乎行
百里者半于九十此言末路之難也道洲之役可稱覆轍

臣既聞新邑多沃土膏壤尚從民耕且可守也

巳酉命推官知縣出科貢果賢能稱職一體行取

壬子城安徽桐城縣


甲寅夜有流星見東方大如盞青白色其光燭地自天津行

至濁

丙辰免江西金花逋銀六萬六千餘金

夜月犯五諸侯東第二星

戶科給事中光懋言賦役法賦屬田役屬人夏稅秋糧因其
地為等差有三壤咸則之宜至銀差則顧役之遺也力差則



力役之遺也論戶丁而籍之謂之均徭稽籍定役無與于田
至嘉靖末年勅條鞭法不分貧富一例攤派甚將銀力二差
與戶口益鈔并之于地而丁力反不預焉商賈寧逐末之利
農民喪樂生之心于民甚不便也


四月己未前戶部尚書方鉞卒字

四川巴陵人正德辛巳

進士知內黃華亭奏最拜廣西道御史歷戶部侍郎督餉宣
大進尚書予告隆萬間再賜存問方嚴嵩時獨絕竿牘或致
俸金輒曰若俸几何乃貽我乎或託言梓某書一帙笑曰予
自入仕祇習大明律耳何暇他讀其廉朴自將如此贈太子

少保謚簡肅予祭葬

庚申兵部尚書譚綸卒江西宜黃人嘉靖甲辰進士授南禮
部多主事歷兵部郎中嘗募士五百人卻倭出知蕙州提千
人逐倭于仙居黃岩三戰三捷遷兵備副使蒞寧波屢敗倭
加叅政憂去奪情改福建布政請終喪會倭陷興化起復進
右僉都御史戰渚林福靖仙游同安漳浦俱捷已守制起陝
西巡撫尋改四川平妖賊蔡伯貫等因設龍安府于龍州設
隆昌縣于隆高改施州衛于支羅討鳳繼祖于武定進兵部
右侍郎督撫兩廣平七山諸寇轉提督薊遼造戰車脩火具



築邊垣二千餘里募南兵立三屯營進右副都御史兼兵部
右侍郎尋進尚書協理京營振舉顏習悉中肯綮始終以兵
事顯雖好色貨用御女術厚張居正而明練倜儻不自足稱
歷兵間三十年計首功二萬一千五百有奇亦誠一時之干
城予祭塋贈太子太保謚襄敏子廕錦衣衛百戶世襲
余寅曰公伉儷負氣節朝廷置始終置公兵間公亦始終
以兵事自表暨夫安所授謫鈴乎乃劈畫運量若玩弄諸
酋股掌之上初不經揣逆而卒無出彀中將所謂天畀之
無寧臆而得耶


辛酉賜俺答所建西海寺曰仰華

甲子司業沈淵卒字子靜濟南新城人嘉靖乙丑進士授檢
討年四十三予祭

鑄龍虎山玄壇銅印給張國祥并還正一嗣教真人金印

乙丑吏部請會推陝西宣大提督同九卿科道不必會王府
報可初兵部會推副提兵禮如楨上問副提兵會推何始
也兵部奏始弘治十一年上謂今後京營提督副將各鎮
守漕運提兵俱部推不必廷會

丙寅刑部尚書王崇古改兵部尚書山西右布政使高文薦



為右僉都御史巡撫山西

戊辰協理戎政兵部尚書劉應節改刑部尚書

庚午上寶司丞呂旻為司業

辛未太僕少卿溫純為太常少卿提督四夷館御史蕭廬為

太僕少卿

壬申提督宣大方逢時協理京營戎政

張居正請就教貢士廷試上中下上卷中卷十人授學正中

卷三十人授教諭餘授訓導皆限候選從之

癸酉蠲四川湖廣福建直隸等隆慶四年以料價蘆課_上

河南布政司右叅政張岳為太僕少卿

甲戌前署詹事府吏部左侍郎兼侍讀學士王希烈服除補

京原官

乙亥巡撫宣府兵部右侍郎兼右僉都御史吳允改提督宣


大山西軍務

戊寅巡撫順天王一鶚為右副都御史巡撫宣府

陝西番族上筈籬鋒鉄城等貢馬

辛巳前右僉都御史陳道基起整飭薊州邊備巡撫順天

巡按山西御史趙允升行部河東道沙嶺驛值虜入牆流掠



走免因言邊牆圯廢將領畏避狀上責兵部向報邊工何
虛也巡撫楊愈茂鐫二級調用

壬午山西提兵官白允忠為平羗將軍鎮守甘肅甘肅提兵
官麻錦調山西

上御皇極殿傳制封慶惠王世子倪燾為慶王德恭王世子
翊鏞為德王又衡府翊鏞嗣平度王韓府璟浴嗣綏平王

甲申命陝西臨河二堡官軍聽河道叅將節制西安海刺都
三堡改屬固原守備


乙酉太和王府輔國將軍戴燧有罪廢為庶人

五月癸巳上念久旱命順天府尹禱雨

甲午益濱河成費一萬六千餘金

乙未雨連日

前南刑部尚書林雲同卒字汝南福建莆田人嘉靖丙戌進
士授戶部主事歷廣東提學副使立五經書院講學累遷浙
江右布政進右僉都御史巡撫湖廣屬縣李梟賂嚴嵩遷內
上疏摘之被訐去予告隆慶中起刑部左侍郎進南右都御
史改南工部尚書致仕萬歷初起南刑部閱月致仕年七十
八讀書中秘時題壁曰寧餓死不為不廉之夫寧布衣不為



千進之士蕭人謂自林貞肅後完璞純名雲同一再見云

巳亥提督倉場沈應時籍帑金共四百七十八萬四十餘金
辛丑停內北中等門工以帑乏也

張居正次子嗣哲廕錦衣衛正千戶

丙申土蠻犯遼東錦州值大雨移日出塞壬子復入鎮靖團
山堡又大雨去之


壬寅庶吉士沈自邠顧紹芳楊起元教文植姚岳祥楊德政
萬象春張鼎思莊履豐馮琦費尚伊何洛書史繼辰甘雨陸
可教李植張志馬象乾林休徵張養蒙高尚忠馮夢禎汪言

臣張文熙余繼登曹一鵬王國吳堯弼俱授官有差庶吉士
脩乾清宮成

丁未 上御皇極門宣羅旁之提龍水縣改為羅定州立神
電衛

戊申諭脩慈慶慈寧兩宮張君正言兩宮始于萬歷二年即
落成令壯麗如故乃欲壞其已成更加藻飾非所急也請輟
工從之

巳酉叙廣東羅旁功進凌雲翼右都御史廕錦衣衛副千戶
提兵官張元勳進左都督改廕錦衣衛百戶廣西提兵官李



錫寶授都督同知廕本衛百戶並世襲陳璘加副總兵賜金幣餘陞賞有差初兵部叙及閣臣張君正獨不擬上是日中官傳旨改擬居正奏前旨以後邊功不得叙及輔臣臣等豈敢犯之請賜停寢遂各賜金幣

旌山東嶧縣貞女張氏氏字劉天民夫行天民夫聞之痛絕踰五日自經因送婿家合葬

辛亥吏部左侍郎兼侍讀學士王希烈詹事府兼侍讀王錫爵教習庶吉士

六月丁巳朔順天大雨是月至九月始止渾河溢田禾殆盡

夜祥雲繞月

是月蘇松雨連旬寒如冬傷稼

七月丙戌朔 上享太廟


以遼東米貴發帑金二萬于本鎮買糴備餉後不為例

戊子梧州大火

巡按雲南御史陳文燧上制夷十事曰檄諸夷謂緬甸莽首與益養思個相構木邦罕拔與干崖怕文為仇宜宣諭處分舊追緬甸諸司金牌聽請承繼仍頒歷如再侵犯則勦之

印

曰撫三宣謂三宣外捍六慰內擁金騰近各多難兵力衰弱




無能鈴束地方宜加意撫恤在南甸則繼刀落黍之田鎮以
結其心在灕川則扶多忠之寡以固其存在千崖則定宣更
之制以正其繼餘議倣此兵部覆謂先臣劉健嘗論益養事
以思祿有官猶可制即無官其僭自若也不如因而官之此
真禦夷上策餘如議行

乙未中書舍人劉中立行人李選推官李天植王致祥知縣
鄭秉厚齊一經顧九思李大亨帥蘭王胤祥姚學閔詹沂傳
作舟各為給事中中書舍人劉致中胡之彥行人方學孟國
子博士劉光裕陳希美推官謝思啟朱鴻謨知縣尹良貴宋

任安九域胡時化顧鈴羅應鶴唐本堯許樂善郭汝為姜璧
趙楫李棟白棟趙卿陳大立朱璉馬呈圖張一鯤孟一脉楊
際熙為御史鴻謨一鯤學孟一脉際熙並南京御史
丙申蠲淮徐萬歷二年前逋租

己亥仍遣戶曹監兌蘇松常鎮初以兩浙巡鹽御史監之不
辛丑南右通政陳于陞為南太僕寺卿

壬寅鑄廣西督理糧儲分守桂平蒼梧左江右江各道關防
癸卯南太常少卿沈淮為南右通政
甲辰先是命撫按薦科貢必四之一至是兩淮巡鹽御史王



曉薦各屬乙榜七人不及格奪俸三月
協守山西副總兵王化熙為都督僉事提督京城內外巡捕
辛亥應天巡撫胡執禮奏草江南練湖佃田從之
甲寅福州興化地震太原冰雹
乙卯吏部申明官吏叙爵迴避除巡按外餘皆以卑避尊不
得以族屬論著為令
虜賓鬼仇瓦刺要俺答往俺答託迎活佛于西海求飲長生
水請西行兵部言俺答大衆數萬師出塞內我必甚病若出
于塞外供其資糧可也守臣獨宣雲通事因以防之

八月丙辰朔前軍都督府僉事王世科充總兵官鎮守廣西南

丁巳蠲淮徐揚萬歷二年以前藥材牲口北羊等銀

戊午上祭太社太稷

辛酉欽天監奏大婚十二月張居正言禮仲春會男女慈聖


遂定明年三月

癸亥曾子六十一代孫承業襲五經博士

分守涼州副總兵盛愈謙為南前軍都督府僉書

河復決崔鎮

乙丑前吏部左侍郎兼侍讀學士丁士美卒直隸清河人嘉



靖己未進士授脩第一撰進右諭德歷禮部右侍郎直經筵
己改吏部守制 上念講讀勞贈吏部尚書謚文恪予祭葬
丙寅禮部左侍郎汪鏜改吏部左侍郎署詹事府同王錫爵
教習庶吉士

丁卯陝西布政司右叅議李維楨為按察司提學副使

南京尚寶司丞雒遵等以漳州推官尹瑾勅命誤用制誥之
寶吏科奏改正

己巳禮部右侍郎林士章為左侍郎詹事府申時行為禮部
右侍郎


甲戌 上世宗肅皇帝寶訓寔錄

丙子監脩寶錄英國公張溶進少傅總裁張居正左柱國呂
調陽少傅張四維太子太保文淵閣大學士居正再辭有旨
寶錄國家大典且一字一句孰非出先生手何辭為居正言
果出臣手亦臣子常分年來人臣微勞輒萌濫賞小有不酬
獨賢與怨臣實耻之不敢苟就冀少勵此輩 上從之

董其昌曰史之所重者筆削耳善人勸焉惡人懼焉所繫
匪細故也每朝纂錄于三品以上大臣皆有小傳寥寥數
行衮鉞斯在如 世廟寶錄于郭希賢胡宗憲唐順之等

國權 萬曆五年

十五



多有賤詞未協輿論夫正史所書不公則私史之所記益
雜何以啟信于後世哉

設遷曰江陵迅才事挈要後之人于神廟錄殆二十年
熹廟錄視穆廟略相等十年勿竟宰相之急事亦見其
一矣

追祭鎮海衛指揮武尚文蓋嘉靖三十二年逐倭死之

淮王載堦薨謚曰恭榮昌王翊鏡攝府事

壬午陽和城渾源州龍門衛等地震

閏八月乙酉朔刻日食陰雲不見


丁亥上視朝襄城伯李應城等五百八十七人奪俸一月

先是暑雨暫輟朝講張居正言陰雨暫輟雖中外不知或謂
皇上勤學漸不如初願一日慎一日非有他事及風雨不得
輟上深然之是日上服青素以淮王之訃

戊子南禮部右侍郎署祭酒殷邁致仕

徐州河淤淮河南徙壞高郵寶應諸湖隄工科都給事中劉
位議淮徐適中處設郎中一人專治河道上以遇事輒添
一官非法也部議裁呂梁洪主事遣郎中專治淮北從之

辛卯南光祿寺卿屠羲英為南太常寺卿署祭酒



乙未大理少卿胡櫛為南光祿寺卿

大理寺嚴清奏大辟有旨前某矜疑免死何又云情真處決
恤刑係法司會議何一人而生死互異也使人何所遵奉清
引咎奪大理官俸三月刑科都給事中周良寅遂叅評事李
蒙亨并及清 上并責良寅

丁酉大理寺右少卿周詠太僕寺少卿張岳為大理寺左右
少卿

戊戌蠲唐縣解京銀千餘金

庚子卯刻月當食不食

辛丑禮科左給事中湯應聘議導淮入江于瓜洲分流置閘
以殺水勢漕運侍郎吳桂芳言黃水向老黃河故道下奔如
駛淮遂未虛湧入清口故浸淮揚工部謂二議不同請行勘
上以河淮既合已之


甲辰推官知縣李實田樂義齊世臣李廷儀韓紹周邦傑尹
瑾為給事中梅淳李蓋高維崧薛夢雷房寰鄭銳涂杰茹宗
舜張治具王許之張友舜王廷稷為試御史許之友舜廷稷
並南京

戊申前南右都御史倪嵩平安徽當塗人嘉靖己丑進士授

國權

萬歷五年

十七



太常博士拜御史歷大理寺丞左右少卿轉右僉都御史遷
左副都御史戶部左右侍郎居官公正予祭塋

己酉黔國公沐昌祚以父朝弼沒奔喪南京不許

先是雲南土官普崇明崇新兄弟相仇殺崇明召廣南儂兵
崇新引黑脚交兵互爭尋辭去巡撫鄒應龍輕聽中軍楊一
廉等勦之失利應龍免巡撫王凝計擒元惡乃安至是命磔
一廉等

庚戌提督宣大尚書方逢時上北虜款貢圖
辛亥刑部尚書劉應節罷刑科都給事中周良寅劾應節不

考察恤刑司屬輕出城從雲南叅政羅汝芳設禪應節疏辨
介致仕并罷汝芳


蠲松江鎮江萬歷元年二年益鈔銀一萬七千三百餘金

九月甲寅朔南右都御史吳百朋為刑部尚書

丁巳 世廟徽妃王氏薨

戊午提督陝西三邊軍務兵部尚書右副都御史石茂華改
南掌都察院事


己未俺答上書甘肅巡撫求茶市初西番羶藏請納馬保塞
衆議弗受巡茶御史李時成行部洮州羶藏上書言漢人所



獲撒馬爾失利諸族多數百人我羶藏無有馬明我不侵叛
矣幸為我昭曰我且歲貢馬三十否者以我彎弓千人走卓
龍耳時成譯以聞且曰羶藏生西番中族極遠未嘗通貢市
一朝率眾來降彼誠畏我威靈第以洮西極邊地更得此族
不益厚固藩籬耶矧今急須馬歲增三十匹何渠不利 上
從之俺荅以番人入漢久且慢我遣其所部大都巴石虎啟
幕府請得比番開茶市眾議且許之李時成奏虜人飲酪素
相須茶今求市茶者意不在茶在得番人耳夫洮西一帶抵
嘉峪金城綿亘數千里番族星羅虜之不敢長驅而南以番

為之蔽也願番人以茶為命一日無茶則病且死我 祖宗
于西寧甘州洮河建置茶市歲事招中故番人之命懸于中
國俾世受約束藩我西土脫以茶市假之虜 逐利而專意
于番 求生而制命于虜番虜合為一其貽患可勝道哉且
番市歲得馬五千六百餘匹是省中國六萬五千餘金若虜
市開則番人之心失番人之心失則河以西無復安枕日矣
上聽之兵部謂茶市不可許但虜至稱迎佛僧寺必須用茶
量給數十篋示恩報可

辛酉巡撫陝西董世彥為兵部右侍郎兼右僉都御史總督




陝西三邊

癸亥巡撫浙江徐斌請免湖州災租並黃岩等縣分數蠲恤從之

乙丑右春坊右諭德何洛文脩撰高啟愚主試武闈得八十八人

總督河道傅希摯為右副都御史巡撫陝西
浙江按察副使徐雲程先以盜劫官銀住俸至是盜多獲僅逸其二吏部請開俸而雲程業陞叅政有旨既住俸戴罪官俱送部傳陞不得蒙混

丁卯 上諭停刑蓋 慈聖太后以大婚期近也張居正言
世宗齋醮奉玄始暫免不決此實近年姑息非我 祖宗垂
憲之意也春生秋殺天道所以運行雨露霜雪萬物因之發
育若一歲之間有春生而無秋殺有雨露而無霜雪則歲功
不成而化理或滯矣且根莠不鋤嘉禾不茂冤憤不泄戾氣
不消 聖母不見犯罪者身被誅戮之可閔不知被彼所戕
害者皆含冤蓄怒于幽冥中明王聖主不為之一泄彼以其
怨恨冤苦之氣鬱而不散或蒸為妖沴氛祲之變下或招致
凶荒疫癘之疾則其為害又不止一人一家受其荼毒而已



請俟明年吉典告成然後槩免一年則春生秋殺並行而不悖矣從之

戊辰巡撫山東李世達為右副都御史總督河道

薛鏗嗣陽武侯

瀚之從子

已巳論三十七人

因

庚午令前總督陝西兵部尚書石茂華致仕吏科都給事中


陳三謨劾其弛廢不職也

辛未左僉都御史趙賢為右副都御史巡撫山東

甲戌南右僉都御史王篆為左僉都御史

丁丑戶部左侍郎李幼滋為南右都御史大理右少卿張岳為南右僉都御史提督操江浙江太平縣人王吉訐鄉官翟名不法上責巡按御史不為申理其訊翟名以奏

戊寅南京後軍都督僉事郭成充提兵官鎮守貴州
已卯張居正聞父喪次輔呂調陽張四維代奏且引先臣楊溥金幼孜李奪賢情起復故事得溫旨又手札為朕抑哀以成大孝已諭吏部如之命太監某慰問居正視粥藥止哭絡繹道路三宮賻贈白金共千五百鈔萬貫絲幣三十雙白紵



六十石麻布百五十疋香蠟新炭稱是其息踰他相數等而未意留之居正出錯愕無專見所善同年李幼滋等倡奪情居正惑之故事首輔去位三日次輔遷坐左僚屬緋而謁呂調陽雖不遷坐竟受謁居正謂我尚在不少顧忌如一出春明門寧我入乎陽乞守制露意馮保使留之識者不謂然相顧結舌

大理左寺丞饒仁侃為左少卿


辛巳戶部右侍郎謝鵬舉為左侍郎刑部右侍郎王好問改戶部

予張居正父祭葬遣禮部主事曹誥工部主事徐應聘

十月甲申朔大理寺卿嚴清為刑部左侍郎


蠲免畿內災租七分以以上者

丙戌張居正乞終制不允其客貢士宋堯愈上書曰聞諸道路天子下曠世之典相公將不得終喪僕愚謂相公留天子蒼生幸甚相公去天下萬世幸甚請得畢其詞武宗之世民以慢世廟糾之猛而穆宗濟之寬民少偷矣相公謹奔兢汰濫等懲不恪誅侵漁簡才德軌文詞祖宗以來法紀稍弛而旋振者相國力也居庸以西嘉峪以東胡馬不嘶



塞烟靜色遼陽之捷日至青齊之道無虞江海之防歲飭羣
國祚于金湯孰能有其功乎民和年豐國無災害鬼神歆禋
祀而祚生靈變理成矣 兩宮以舍不以離 主上以德不
以邪內侍忘奸百姓忘情竭忠貞矣夫建威立法主聖民安
此忠臣志士勞心焦思龐眉墮齒而不相得者相國屏危疑
而奏速效上以報 先皇下以謝四海進無媿于殿墀退有
辭于寮案自今以往得三王不足擬而五帝不足方此所謂
相國留則天子蒼生幸甚也功已成矣名已遂矣身可退矣
天其或者愛相國而奪尊大人以年乎欲留者情必去者禮

君子愛人以禮德德之統也今相國欲獨 兩宮不可違如
是一舉而名教重而風俗敦矣誠以此時飄然魏門服除之
後 主上不忘老臣安車屢命而後從容進塗以洗漢唐之
陋復舍鼓之風豈非上臣之盛軌與即不幸身去謗訕風起
先皇之命在耳 兩宮之口作徵 主上之鑒如日老臣之
跡可按也亦何藉要津利器以防民之口哉故當去而去即
受禍、輕欲去不得去即禍不及身其禍重抑人有言擇禍
莫若輕愚恐初喪之亂在方寸而惑在深眷不忍以禮決也
故敢以書告薊鎮總兵戚繼光亦書勸其服喪且召華亭柄



國華亭老矣俟服闋彼不難捐相印也居正歎曰大將軍良
愛我日老宋生亦然人心固如是耶馮保以徐階老格其議
丁亥南大理寺卿宋儀望改北

兵部尚書王崇古罷崇古屢被論乞休許之

戊子彗星大如盞色蒼白長數丈自尾箕起斗牛直徧女宿
上命脩省


張居正再乞守制不允

辛卯張居正又請不允命司禮太監魏朝同子編脩嗣脩代
歸司喪葬畢即迎卿母來京侍養又手諭之

壬辰前大理寺卿陸光祖為南大理寺卿協理戎政兵部尚
書方逢時還部

癸卯刑部員外郎艾穆主事沈思孝言頃者張居正奪情彗
星突見意廷臣必因天象指陳大義詎期附爰鄙天如御史
曾士楚都給事中陳三謨干犯清議望風保留紀綱風俗將
大壞而不可止矣居正今厚顏就列異時大慶大祀避之不
可欲出不安陛下何以處居正居正亦何以自處也宜令
奔喪守制以全大節

甲辰南兵部尚書劉光濟致仕曾士楚劾其曠職也




乙巳吳中行趙用賢艾穆沈思孝並廷杖中行用賢除名穆
思孝謫戍初各疏留中不出馮保輩欲借張居正指居正怒
甚將重論侍郎王錫爵邀時行請解不可回獨詣喪次解之
居正勃率拜曰此曹力逐我何以處使得尺刀即自刎矣
揖之出至是中行用賢各杖六十穆思孝八十穆戍 思
孝戍雷州時侍講趙志舉張位于慎行張一桂曰一雋李長
春脩撰習孔教沈懋學俱具疏故格不入懋學與居正子懋
脩同年也貽書者三不答
丙午戒諭群臣曰群奸小人藐朕冲年忌憚元輔乃借綱常

之說肆為擠抑欲使朕孤立于上得以任意自恣茲已薄處
如或黨奸懷邪欺君罔上必罪不宥蓋奪情事創起諸言者
得罪謂居正弼彗御議卷摘作謗書于兩長安門以居正且
反故宣諭于朝謗稍息

免山西額編站銀一年

丁未刑部觀政進士鄒元標上言張居正三疏守制 皇上
三留之意御哀懇求必見允而後已何求歸之情未切暫留
之疏遂上臣冀當言責者有言也今且乞留矣 皇上之留
居正豈以其有利社稷耶居正才雖可為學術既偏志雖欲



為自用太甚所設施乖張請舉其最者言之曰進賢未廣限
郡邑進學何寥々也曰決囚太濫各省駢首何纍々也曰言
路不通凡建白不先稟命有今日陳言明日罹罪曰民隱未
周如水潦旱災有司不以聞恐妨大臣德政其他用刻深之
吏阻豪傑之才不可枚舉此而可留之耶伏讀 皇上諭曰
朕學尚未成志尚未定先生此去前功盡棄居正脫不測學
且終不成志將終不定耶御史曾士楚倡保留明日陳三謨
等效之身服豸繡公同犬羊不斬士楚三謨臣死不瞑目奏
上杖一百成都勾衛又布衣餘姚韓萬言疏摘居正杖一百


回籍

設遷曰江陵負盖世之才中道宅憂墨衰從變物情大駭
諸君子攻之或紆或峻並罹重譴然為諸君子計當朝命
再留即須婉導庶可止也彼疏暫留其志已決而後與之
角豈能遽引罪迴車相避乎進言易耳亦當設為江陵
地不識諸君子身後以為然否

戊申兵部尚書方逢時攝吏部起王國光為吏部尚書

大理左少卿周詠為右僉都御史巡撫遼東

壬子南禮部尚書翁大立改南兵部尚書太常少卿溫純為



大理左少卿

是月俺荅發豐州西迎活佛大人烏思藏僧鎖南堅錯或曰即闡化王荅賴刺麻也專傳經說法戒淫殺虜中尊禮之貴州威清衛有虎入城害三百餘人

十一月癸丑朔以星變考察群臣始張居正自矯飭雖或任情而英敏善斷有魏相姚元之風客諛與伊周正居亦自負不世出任劉臺等志意漸恍惚至是始知天下之不見與思威權劫之矣

設遷曰江陵初逐新鄭驅除異己者即考察廷臣及奪情

起物議紛囂借星變又考察馬果出于虛公猶招磨澗况以嫌忌先之乎管仲奪駢邑三百沒齒無怨言終古僅于以卜江陵之不終矣

乙卯吏部左侍郎何維柏為南禮部尚書


戊午召張居正于平臺慰諭甚至即日素服入直初居正喪次三日閣吏貴奏就票擬呂調陽立候票進乃出中貴輒就問處分至手詔稱元輔稱太師稱先生則右大臣贊拜不名之禮也

薊州失盜調兵備叅政王叔杲

國權

萬歷五年

二十七



許商稅等項納錢禁私鑄

刑部右侍郎嚴清改吏部右侍郎

己未張居正始侍日講致謝

南吏部尚書潘成等戶科給事中等各奏留張居正報可

壬戌慈聖皇太后賜閣臣講官金幣

甲子兩淮鹽運司崔孔昕鑄一級調用以運司舊轄于海防

道孔昕下被糾也

丙寅先是武清伯李偉俾家人攬納布花多乾沒軍士大譁
上驗布花果惡即言于太后太后怒甚立遣諭閣臣盡法

張居正力解第坐諸為奸利者太后召偉父子于宮門令

內臣責數之引服而退

以內府輸納滋弊巡視科道部官不行查覆命部院考察汰

斥得戶部員外郎賈實等四十八人降免有差


貴州土亨安國亨安智爭殺十年至是就勸聽命

德安知府王憑為兩淮鹽運使上以運司經理國課選用

賢能今撫按卑視失朝廷選任之意其以王憑為運使

丁卯吏部察處五十一人脩撰習孔教浮躁謫泉州推官命

放歸餘降調如例侍講趙志舉勸終喪調廣東按察副使尋



謫解州同知孔教復移邵武同知落職戶科給事中武尚耕
山東道御史趙允升為江西山東按察僉事
甲戌隆平侯張炳掌府軍前衛事
辛巳荊州水災免逋租
協理戎政兵部右侍郎張學顏為右都御史協理如故考滿
是月令天下度田國初天下土田八百五十萬頃至弘治十
五年減二十七萬歲久滋偽飛詭影射弊且百出豪民有田
不賦貧民灘派為累民窮逃亡故額頓減張居正請料田九
莊田屯田民田職田蕩地牧地皆就疆理無有隱奸其撓法

者下詔切責天下奉行凜凜焉

十二月癸未朔南右都御史李幼滋為工部尚書河南按察使
舒化為太僕寺卿巡撫甘肅侯東萊秩滿加兵部右侍郎兼
右僉都御史


祭酒姚宏謨為禮部右侍郎

琉球入貢

丁亥南戶部右侍郎汪宗伊為南右都御史

罷南禮部尚書何維柏前同張瀚被責尋轉至是自陳免

戊子命臨清德州二倉歲額二百里者徵本色三百里外者



徵折色

己丑總督漕運兵部右侍郎吳桂芳為工部尚書兼右副都御史總理河漕提督軍務改世達別用時淮河南徙吏部推桂芳有旨近來當事諸臣意見不同動多掣肘致無成功今專屬吳桂芳暫裁總理河道都御史

庚寅南後軍都督府僉書王尚文為總兵官鎮守福建

予故兵部方侍郎兼右僉都御史吳道直祭塋

壬辰司業呂旻為祭酒

總督兩廣軍務凌雲翼奏平廣西岑溪六十三山七山那留

連城等賊

甲午先是魏國公徐鵬舉庶子二邦瑞邦寧嬖邦寧之母冒

封已格于正議送邦瑞太學祭酒姜寶檄覈之因以邦寧至

尋構寶去至于定于邦瑞

四川副總兵張澤為南後軍都督府僉書

乙未 穆廟恭妃李氏薨

南司業周子義改北


陳永祿嗣永平伯 大策之子

知縣李冰為戶科給事中許一德為陝西道御史

國權

萬曆五年

三十



南吏部察處降免二十九人

丙申淮府嘉興王厚燿薨子載垵係擅婚載珪係濫妾例不得嗣禮部議載垵降封奉國將軍日後嫡子以本官奉祀不得奏襲餘仍視擅婚例毋請封從之

丁酉南刑部尚書改南禮部尚書巡撫湖廣陳瑞為南戶部右侍郎巡撫南贛汀漳江一麟為戶部右侍郎總督漕運兼右僉都御史巡撫鳳陽瑞在楚帛張氏麻經伏突哭更慰見太夫人旁有侍闈太夫人謂善視之瑞立揖闈曰陳瑞安能為公公重如公公乃能重陳瑞耳


戊戌侍讀張位為南司業

庚子總督薊遼保定楊兆為南刑部南書順天府尹王之垣為右副都御史巡撫湖廣

辛丑夜金星順行犯土星在斗度

南科道拾遺及大理寺卿宋儀望調南京南京鴻臚寺卿王樵致仕

壬寅上御文華殿講酒誥上因論酒失曰比奉慈訓宴飲一切省減元夕燈宴今歲裁之矣又曰近星變占者云應在吳地聖母念吳中水災如織幣虧二十萬命見織者輸



上其未織者停之不但蠲二十萬也張居正曰聖諭欲俟孫隆二運袍服至始停免蓋軫念民窮宜即傳戶工二部臣上然之


命軍器仍送內庫其庫官需索者罪之先是戊字庫外解弦矢自嘉靖年改折色又改料解于盛甲王恭二廠內臣掌之至是庫監欲徵本色工部謂不便上竟歸之內庫

癸卯兵部左侍郎梁夢龍為右都御史總督薊遼浙江左布政使蒙詔為右僉都御史巡撫南贛汀漳湖廣左布政使金立敬為順天府尹


丙午南右僉都御史張岳罷南戶科給事中傅作舟等希首輔意論岳徇私違例濫費遂閑住

已酉蠲淮揚廬鳳徐和滁等額編站銀共二十三萬九千六百餘金

庚戌曾省吾部光先為兵部左右侍郎南大理寺卿陸光祖為大理寺卿大理寺左少卿溫純為光祿寺卿






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.

NATIONAL





國家圖書館, NATIONAL CENTRAL LIBRARY, TAIWAN, R.O.C.





國權

萬歷十年壬午

正月壬戌立春 上受朝賀

丙寅遣刑科都給事中周邦傑閱視薊遼保定工科給事中

蕭彥閱視延寧甘肅兵科給事中田大年閱視宣大山西


丁卯 上享太廟太常寺卿陰武卿作聲罰俸二月

已巳諭輔臣觀燈西苑

南兵部尚書潘季馴上五事充營伍以重防禦定城守以便


國權 萬歷十年

一



國家圖書館, NATIONAL CENTRAL LIBRARY, TAIWAN, R.O.C.

鹽官設遷孺木著



責成裕作養以備選用清丈量以息爭端均兵餉以便操練
部覆從之

庚午巡撫保定辛自脩奏丈田清出萬七千五百八十餘頃
辛未南兵部郎中劉學朱江浦知縣余乾貞俱察處褫職


通州泰州淮安三分司所轄豐利等三十場暴風雨潮溢滄
二千六百七十餘人銷鹽課二十四萬八千八百餘引

壬申前刑部尚書劉自強卒山西扶溝人嘉靖甲辰進士授
廣平推官遷吏部主事歷郎中遷太僕少卿出陝西叅議進
山西按察副使誅叛卒王慶遷陝西叅政按察使湖廣左右

布政賑饑陞應天府尹進右副都御史巡撫四川連平黃巾
蔡伯貫之寇進戶部右侍郎至今官萬歷初致仕年七十五
予祭葬

戊寅戶部題張正居子編脩嗣脩恪遵庭訓盡草親族冒免
者各省遵行清出人丁四萬四百八十餘人糧六萬三千八
百八十餘石乞刊優免定例于石從之其疏頌美元輔識者
鄙之

庚辰戶部覆陝西總督高文薦條邊餉十二事閱丈勘廣招
徠給牛種蠲舊逋酌起科處新餉查隱占築墩臺專委任昭



勸懲禁科斂寬期限其指畫屯田甚悉 上如議命行之
辛巳先陽城王厚 薨長子載堉罪廢為庶人次子鎮國將
軍載堃攝府事

壬午故南禮部右侍郎殷邁巡撫貴州右副都御史陳洪濛
予祭葬

復定大理左寺官六員轄浙江福建山東四川廣東貴州獄
訟右寺官七員轄江西湖廣河南山西陝西雲南廣西獄訟
癸未前刑部左侍郎洪朝選卒于獄


甲申各命撫按提學官嚴鄉賢名宦祠之冒濫者不必奏請

以禮科給事中聶良言之也

以山西脩邊牆隔占應州民地一百八十六頃又邊牆壕窖
占民地一百二十六頃三十畝豁其租

河南布政使叅議周有光先任寧夏兵糧道貪恣見糾削籍
乙酉 上視朝諭閣臣百官袍帶多不按品時或咳吐並不
敬閣臣請今後傳鴻臚寺及侍班御史犯者叅劾命禮部申
明朝儀繡服毋明綠帶毋牙銀

裁陝西長邱靈武二監正開城廣寧黑水安定清平萬安武
安七苑圍長改七苑為七監申飭馬政



予故大理寺卿劉望之祭壘四川成都人嘉靖

進士歷

官清操皎然

丙戌大理寺卿張夢鯉致仕

吏部左侍郎王篆奏錄諸戌斥者于察吏後榜之不示復收從之

王世貞曰諸戌人皆非外吏不當從觀察而戌者已重于察吏不當榜即榜而異日安得以例杜其用也人謂居正敏識人也而不悟蓋已知其不久矣

二月辛卯陝西行太僕寺卿史嗣元劾免

脩 蘭州城

壬寅割四川播州八司湖廣平清偏鎮四衛盡隸貴州及鎮

雄烏撒東川烏蒙官吏屬貴州巡撫考察蓋兵部謂貴筑一

區蜀之八司襟帶于前楚之平清偏鎮四衛聯絡于後而貴

陽思南銅仁鎮遠于環抱於外黎平又在沅辰間與五開銅

鼓衛有鞭長不及腹之慮而巡按馬呈圖請之也

癸卯甘肅赤白雲見


甲辰裁湖廣澧州順林驛

丁未戶部言各省贖罰銀自萬歷九年至十年增舊共四萬

國權

萬歷十年

四




五千七百三十八金恐解數稍增餽用不減撫按必以多責
司道司道必以多責有司有司希上官指務多相勝罪一人
而連數人應無力而槩有力止贖杖則擬滿徒當給主則擬
入官甚至罰干証科良民有司曰不加益則上官駁擬撫按
曰不加益則歲解不敷是本部清查贖金之議為殃民剥下
之媒朝廷富有四海何用此贖金為貪吏口實耶凡撫按公
費紙紅薪菜吏廩等項皆正款應支餘賞公差餽鄉官殊負
皇上禁貪責實之意 上命禁之

班兼廢職業 上因諭吏部近日各官升堂太遲過辰已尚
未公座復盛宴會堂官宜率勵勤脩稱朝廷勵精圖治之意
甘肅提兵官雷龍劾免

戊申 上東郊朝日

辛亥巡按蘇松常鎮御史曾士楚予告士楚倡張居正奪情
因介編脩吳中行檢討趙用賢至是將按蘇松曰吾何面目
見吳趙乎遂引疾去

壬子太常寺卿陰武卿為右副都御史巡撫保定貴州巡撫
王緝為右副都御史改巡撫南贛汀漳



故發遣非法之平今後儀賓犯成者議罰祿三之一贖待主
君身故另議庶不廢法章下所司

丙辰光祿寺卿舒化為南太常寺卿

丁巳命陝西湖廣撫按勘楚府牧地

應天府尹劉屏為右副都御史巡撫貴州


戊午山西副總兵李貞為都督僉事總兵官鎮守陝西

太僕寺卿臧惟一為光祿寺卿

三月己未朔南光祿寺卿鄭欽為應天府尹

築直隸雄縣橫隄八里

庚申杭州兵變初杭州東西二大營月餉九錢巡撫吳善言
奉例減三之一各卒有怨言至是訴巡按御史張文熙謂春
汛且防海而月餉兼銅錢不便文熙好言慰遣之善言亦曰
餉已減其不願兵者聽其歸農次日遂大噪縛善言于公署
出而毆之文熙率各司吳憲等及巡鹽御史孫洵工部主事
王謙光先後至營曲諭始得解以侵餉勒手狀而以官帑給
之乃散釋善言文熙以聞謂善言撫馭乖方兵備僉事王許
之都司魯邦士游擊魯應陽不能馭眾各罰治悍卒宜懲首
惡上命兵部右侍郎張佳胤兼右副都御史巡撫浙江聽



便宜行事吳善言放歸降王許之二級調用魯邦士魯應陽
奪歲俸

壬戌太常少卿蔣遵箴為南光祿寺卿南太僕寺卿陸樹德
致仕改北

南戶部南書王好問予告

甲子 上御皇極殿傳制冊九嬪端嬪周氏淑嬪鄭氏安嬪

王氏敬嬪邵氏德嬪李氏和嬪梁氏梁嬪李氏慎嬪張氏順

嬪魏氏

吏部郎中孫惟清為太常少卿提督四夷館南右通政林景

暘為南太僕寺卿

鎮江妖僧汪元英等謀逆伏誅

丁卯張居正疾求私宅粟擬從之

太常少卿喬因阜為南右通政

應天府尹鄭欽予告

己巳江南狼山副總兵侯繼高為南京右軍都督府僉書


庚午脩山西西中東邊牆墾堡

辛未以旱蠲諭脩省

癸酉遣司禮太監張鯨問張居正疾賜金百蟒衣一襲餘物

國權

萬曆十年



稱是

保定浮圖峪災

甲戌減山西武鄉榆社和順賦額一千五百二十餘石

宗藩條例成

丙子虜酋速把亥寇義州總兵李成梁擊敗之斬獲百餘人

丁丑告郊壇祈雨

穆廟莊妃劉氏薨

戊寅藩王怡熈薨

己卯倭寇浙江温州官兵擊走之奪舟二俘五十三人斬五

級溺者甚眾

辛巳議開清江浦新清

癸未賜永寧長公主莊田二千二百餘頃

甲申陳應詔嗣寧陽侯

乙酉遣內臣問張君正疾

丙戌廣東惠州河源博羅大水


丁亥禁游食僧道

貴州銅仁苗叛銅仁錯壤楚蜀其苗最悍數為患有龍木哈
點甚有司議令約制諸苗歲贍米構魚鹽有差木哈得漢物

國權

萬歷十年

九



因役屬諸寨視官家外府也及老子龍倖受事爭兵帥胡守仁不能制誘木哈賀歲杖斃之于是諸苗怨叛守尉頗利啗之叅議秦舜瀚以擒木哈自為功終敗

四月戊子朔 上享太廟諭禮部令民及時農桑毋游惰

鑄福建清軍兼理糧餉閩防

辛卯大風霾

癸巳前南京提督操江右僉都御史張岳閑住初岳勸張居正終喪居正銜之令自陳調外至是南京右僉都御史呂藎吏科給事中吳瑄希居正意覈操江贖鍰劾其違例濫費并

及 胡嘉謨降一級調外

戶科覆戶科都給事中姚學閔等所叅河南丈田冊報多虛撫按褚鈇趙楫各奪俸

甲午寧夏土軍馬景等作亂殺叅將許汝繼屠其家巡撫晉

應槐捕斬之國初故兀部落尙兀馬火丹來降立靈州守

楊

禦千戶所其屬駐瓦梁四里曰土達自耕食其壯丁充營卒許汝繼新任法嚴失士心致變賊走半個城諸堡官軍分捕


三十餘人前誅二十八人


裁福建林燉駟

國權

萬歷十年

十





丙申前少師大學士徐階年八十閣臣請遣存問從之

浙江左布政使游季勳為應天府尹

顧承光嗣鎮遠侯 襄之從子

戊戌故南兵部尚書徐杕予祭葬

保寧府地震如雷

庚子以旱停刑禁屠令群臣脩省七日

釋輕囚

壬寅廣西馬平等處獐賊常王朋等作叛殺千總

討平之

癸卯禁湖廣官違例謁顯陵

勅太醫院施藥時京師疫

乙巳順天府尹張國彥請豁房稅張君正擬如之有旨改擬

居正疏止不報

江西巡撫右僉都御史 回院

檢討劉楚先為脩撰編修劉虞夔劉元震為侍讀

庚戌慶都伯杜繼宗以年老預乞墳僧援武清侯李偉例奏

請上謂其于例不合特半之給二萬五千金田一十六頃

亦劄見也

壬子傳制封德府常滌安仁王常派銅陵王新環靖安王載

烘福順王廷孺樂昌王

應天府尹曹大埜為右僉都御史巡撫江西

增歲貢木炭三百萬斤

丙辰夜彗星見于西北方尾指五車浹旬始滅

五月戊午朔戶部議三事減稅契寬舖行恤商人從之

己未周府輔國將軍朝進淫暴廢為庶人

賑廣東惠州和平縣水災粟四千七百石

建寧淳安開化常山西安龍游江山俱大水斃人無算

己卯量減畿內田租

壬午魯府奉國將軍觀焯殺人廢為庶人

甲申起楊魏吏部左侍郎

己酉巡撫浙江張佳胤杭州民變擒斬之賜飛魚衣一襲金


三十幣一雙巡按張文熙金二十幣一雙

是月烏蒙祿榮烏慮二酋構烏初烏蒙知府祿堂卒子祿墨

嗣祿墨妻世谷有殊色多計數專府事喇哈土官阿著卒妻

曰阿壞東川知府排來從女也髮九尺光可鑑亦專喇哈事

所產銀礦畜絲繒金寶數萬祿榮利之貨其侍者得幸世谷



與阿壞為姨姪知有銀礦甘心焉佯善阿壞陰兵之祿榮貌
美雖私阿壞以烏蒙地大欲治其室會世谷如喇哈祿榮盛
飾郊迎大悅之載以歸納諸密室憎其夫祿墨遣往烏撒陰
令人刺之祿墨走水西世谷賂水西殺祿墨而祿榮遂據府
治弟烏慮不能平數相爭烏慮奪喇哈亦通阿壞祿榮愈憾
盡收其地世谷誑四川監司言祿堂死亡子榮寔從子宜嗣
監司按之世谷以賂獲襲烏蒙府素忌烏慮時走烏撒因阿
壞以請于東川于是二府合兵數萬共攻祿榮殺掠亡筭明
年檄安國亨母祿氏諭之乃定

貴州普定衛大水

六月丁亥朔日食

庚寅庶吉士馮夢禎為編脩

壬辰禮科給事中石應岳上科場六事正文體嚴防範重內

簾定程式公選舉重廷對罷對策不稱者部覆從之

予故南刑部尚書馮岳祭葬浙江慈谿人嘉靖丙戌進士授

工部主事歷巡撫都御史至今官上即位初存問素負清


望兼著軍功士論重之

癸巳胡守仁為總兵官鎮守浙江

國權

萬曆十年

十三



叛人綽力哥伏誅綽力哥故漢人勾水泉堡伏虜殺官軍者
甲午前少保兼太子太保禮部尚書武英殿大學士殷士儋
卒字正甫山東歷城人嘉靖丁未進士授檢討直裕王邸秩
滿進右贊善兼檢討進洗馬兼侍講擢侍讀學士進禮部右
改吏部進禮部尚書署詹事府事命主禮闈教習庶吉士尋
回禮部進太子太保上即位中旨特兼文淵閣大學士
尋加少保進武英殿大學士未幾致仕士儋直閣忤大學士
六高拱又不從廷推物論薄之年六十有一贈太保謚日文莊
子祭墓

乙未宣遠東之捷

張居正以疾乞休不允

丙申贛州捕盜通判改管兩閩商稅練兵同知兼管捕盜


丁酉叙遠左功進張居正太師廕錦衣衛指揮同知張四維
太子太師廕百戶申時行太子太保寧遠伯李成梁世錦衣
衛指揮使兵部尚書梁夢龍吳克進兵部尚書兼右都御史
克及兵部尚書梁夢龍巡撫周詠各廕錦衣衛百戶賜金幣
有差勞鎮卒萬金

張居正再乞休不允

國權

萬曆十年

十四



南右軍都督府僉書戚繼美為提兵官鎮守貴州

繼光之弟

戊戌中書舍人王繼光唐堯欽行人表國臣陳燁孫偉田疇
推官陳與郊阮子孝太常博士馮景隆為給事中子孝景隆
並南京博士雷士楨中書舍人洪聲遠黃鍾行人王世揚龔
一清江東之楊四知陳韶陳性學方萬山推官韓應庚鄧鍊
魏允貞毛在鵬楊鳴鳳知縣張問達孫繼先向日紅張應詔
張維城為試御史鳴鳳維城萬山並南京
己亥長蘆巡鹽御史曹一夔論鹽政九事清灶地豁重差禁
私鹽蠲積逋課私煎復鹽司更鹽場

改富貴為鹽場新鎮為銀場從商便也


割沒銀緩引目官買餘鹽戶部覆惟官買餘鹽經題草有旨
食鹽當從民便今後聽商發買不必派發餘如之
鑄工部管理街道閔防

庚子命司禮太監魏朝問張居正疾賜手勅慰留

壬寅冊封恭妃王氏 皇元子母也

太原平陽潞安大飢蠲年例贖罰八千金賑萬金并發倉粟
夜月食

甲辰遣司禮太監張鯨賫手勅諭太師張先生今日聞先生
不粥朕為深慮國家大計當為朕一言之賜八寶食物居正



力疾疏謝并上密奏蓋薦潘晟余有丁也

乙巳前太子太保禮部尚書潘晟兼武英殿大學士署詹事府吏部左侍郎余有丁為禮部尚書兼文淵閣大學士並直文淵閣

武軍營左副將焦澤為南京右軍都督府僉事

丙午張居正卒 上震悼輟朝一日命司禮太監張誠經紀其喪賜金五百紵絲六雙紗羅柴布香燭茶米油鈔鹽炭有差 兩宮太后及中宮各賜金幣如之賜祭十六壇遣堇蓋文忠贈上柱國廢尚寶司丞居正字叔大湖廣江陵人幼有

異才年十四巡撫顧璘試諸生首拔之曰此公輔器也贈金幣曰子他日且園玉詎止金其善自珍年十六舉于鄉嘉靖丁未進士授編修告歸七八年絕跡有司嘗騎牛鄉間嘗騎牛入朝值侍裕王邸講讀稱賢歷侍讀學士預修永樂大典興都志及裕王即位進禮部右侍郎改吏部尋直閣亮 世宗廟實錄知經筵主會試歷禮部尚書轉吏部加少保兼太子太保至今官人臣之位極矣性沉深機警多智數為史官時常潛求國家典故及時務之切時者剖晰之遇人多所咨詢及贊政毅然有獨任之志受顧命于主少國疑之日遂居

